

Whata rāua ko Tangowhiti

MĀ TE POUAKO
Ngā Taura Whakaakoranga



TAUMATA 3-4
TE REO MĀORI
TIKANGA-A-IWI



TE TĀHUHU O TE MĀTAURANGA
MINISTRY OF EDUCATION

Te Kāwanatanga o Aotearoa

Ngā hononga ki Te Marautanga o Aotearoa

TAUMATA	3-4 Te Reo Māori; Tikanga ā-lwi
TE MOMO O TE TUHINGA	He kōrero tūhonohono, he tātai kōrero ā-iwi, he pūrākau

Te Reo Māori

Ā-WAHA	Ā-TĀ	Ā-TINANA
Taumata 3 Wh. 31 (WP 3, 4) - Ka whakanikoniko i āna kōrero, tuhinga rānei ki ngā kupu taurite, kupu āhua nā te whānui haere o tana puna kupu. - Ka mārama ki te anga o ngā momo kōrero Māori ake nei.	Taumata 3 Wh. 31 (WP 2, 4, 9) - Ka pakari te tuhi me te tā i ngā momo reo tuhi me ngā reo ataata e taunga ana ia. - Ka mārama ki ētahi kupu ake o tētahi kaupapa motuhake. - Ka whakatika i āna hapa tuhi me te āhua o te whakatakoto whakaaro kia mārama ake ai te tuhinga.	Taumata 3 Wh. 31 (WP 2) Ka hāngai te reo ā-waha, ā-tinana ki te kaupapa o te kōrero.
Taumata 4 Wh. 32 (WP 3, 4) - Ka mārama, ka whakamahi i ngā kīanga whakaahua, kīanga whakarite hei whakaniko i te kaupapa. - Ka whakarongo kia mōhio ai ia me pēhea te arotake, te whakawā, te wetewete i ngā hīkarotanga.	Taumata 4 Wh. 32 (WP 2, 8) - Ka tīpako i ngā āhuatanga o ngā momo reo tuhi hei whakaniko i ngā tuhinga pono me ngā tuhinga auaha. - Ka rāwekeweke i ngā āhuatanga reo me te hanganga o te tuhinga kia rangona ai tōna ake reo.	

TE WĀHI ME TE TAIAO

Ngā pāhekohekotanga o te tangata ki te wāhi me te taiao

Taumata 3

Wh. 77 (WP 3.1)

- Ka whakaahua i ngā huarahi i pāhekoheko ai, i urutau ai te tangata ki te taiao i ngā wā o mua.

Ngā Rauemi Tautoko

- Te Marautanga o Aotearoa
- Teaching Reading Comprehension Strategies. Auckland, New Zealand: Pearson. (S.Cameron)
- ESOL Online
- Language Teaching Strategies (Ako Panuku)

Ko ngā kaupapa matua i te kōrero:

- Ko te hītori ā-iwi
- Ko te tūhonohono o te tangata ki te taiao

Ko ngā āhuatanga reo i roto i te kōrero:

- Ko te reo tūhonohono ki te whenua
- Ko te reo whakapapa
- Ko te reo peha
- Ko te nuka reo

Hangarau

NGĀ ĀHUATANGA
O TE HANGARAU

Taumata 4

Wh. 113 (WP 1)

Ka āta whakaaro ki ngā uara me ngā mātāpono kua whakamahia, kia mārama ai ngā āhuatanga o te otinga kua puta. Me āta whakaaro ki:

- ngā mātāpono hangarau
- te hāngaitanga ki te tangata
- te pāpātanga ki te taiao
- te pānga i ngā wā e heke mai nei.

TE WHAKAHARATAU
HANGARAU

Taumata 3

Wh. 113 (WP 2, 4)

- Ka whakaraupapatia he mahere hoahoa whaitake.
- Ka whakamātau, ka aromātai i te hoahoa. Ka kōwhiritia tētahi huarahi kia tika rawa.

Taumata 4

Wh. 113 (WP 4)

- Ka whakahiatohia ngā pūkenga ā-ringa, ā-hinengaro, taha auaha anō hoki.

Ngā hononga ki te NZC

TAUMATA

5-8

Te Aho Arataki Marau mō te Ako i Te Reo Māori – Kura Auraki

TE MOMO O TE TUHINGA

He kōrero tūhonohono, he tātai kōrero ā-iwi, he pūrākau

WHĀINGA PAETAE

5.1 communicate about past activities and events	6.2 communicate about problems and solutions	8.3 recount a series of events to inform, persuade or entertain
5.4 describe, compare, and contrast people, places and things.	7.5 read about and recount actual or imagined events in the past.	8.5 respond to selected and adapted texts in te reo Māori that are about te reo and tikanga Māori

Ngā hononga kē atu

Ā-IPURANGI

- Te Hopu Tuna (Eeling, hīnaki, pā tuna, migration, cooking and preserving)
<https://teara.govt.nz/en/te-hopu-tuna-eeling/page-1>
- Kanakana – Ngāi Tahu Mahinga Kai
<https://www.youtube.com/watch?v=BUeyAYktiuQ>
- Tuna – Ngāi Tahu Mahinga Kai
<https://www.youtube.com/watch?v=JDIdlY5XZ88>
- Tohunga
<https://en.wikipedia.org/wiki/Tohunga>
- Legend of Ngātoroirangi – Tohunga o Te Arawa
<https://www.youtube.com/watch?v=rG4zdNp0I-O>
- Takapau/Hatuma (Google Earth map)
<https://tinyurl.com/yxwwm8cb>
- Nga Ika Taketake Wai Maori o Aotearoa
<https://www.sciencelearn.org.nz/resources/2573-nga-ika-taketake-wai-maori-o-aotearoa>

Ngā Akoranga

AKORANGA 1

TE ĀHUA O TE PUKAPUKA ME NGĀ KUPU HOU

Te Rangitupu

Scaffolding

Arotahinga: Te kaupapa matua o te pukapuka

- Tautohua te kaupapa kei te taitara o te pukapuka.
- Me ōhia manomano e whakarāpopoto ai i te kaupapa o te pukapuka (tuhia hoki ngā kupu, ngā āhuatanga rānei o te pukapuka e taunaki ai i ngā whakaaro).
- Whakamahia tētahi kīanga, i tētahi kōrero rānei e tino hāngai ana ki taua kaupapa.

Te whakamāramatanga:

- Whakaatuhia te uhi o te pukapuka ki ngā ākonga.
- Kōrerohia ētahi āhuatanga o te whakaahua me ngā kupu kāore pea e tino mārama ki ngā ākonga.
- Tukuna rātau kia mahi takirua. Mā te kaiako ētahi kape o te uhi, me te *wāhinga* (*prologue*) e hoatu ki ia takirua.
Ka kōrerohia ngā pātai e whai ake nei (mō te 10 meneti noa iho):
 - » He aha te tino kaupapa o te pukapuka?
 - » He take rānei he tokorua anake e kitea ana i te uhi?
 - » Ki ō kōrua whakaaro, he hoa rānei a Whata rāua ko Tangowhiti?
 - » He aha kōrua e whakaaro pērā ai?
- Me noho ā-whānau anō ngā ākonga.
- Kōrerohia ō rātau whakaaro e hāngai ana ki ngā pātai.
- Pēnā he pātai anō ka puta i ngā ākonga, matapakihia.

Arawhata Ārepa

Alpha Ladder

Te Whakamāramatanga:

- He rautaki pai tēnei kia kohia ngā kupu hou, ngā ingoa o ngā kiripuaki, ngā ingoa hoki o ngā wāhi ka pānuihia i roto i te pukapuka.
- Ko tā ngā ākonga he tuhi i ngā kupu ki te ripanga kia puta mai he momo papakupu.
- Mā te kaiako ētahi ākonga e tohu hai kanohi hōmiromiro kia arotakengia te tika rānei o te whakatakoto o ngā kupu i te Arawhata.
- He rawe mō te huhua noa o ngā kaupapa ako.

Kupu Taurite

Finding Synonyms

Te Whakamāramatanga:

- He rautaki tēnei hei whakawhānui atu i te puna kupu me te mōhiotanga ki ētahi kīanga reo.
- Ko tā te ākonga he kimi i ngā kupu, kīanga rānei mai i te tuhinga e rite ana te tikanga ki ngā kōrero kua tuhia ki te hīti mahi.

AKORANGA 2

TE KARAKIA

Te Rangitupu *Scaffolding*

Arotahinga: Te Karakia

Ngā Kaupapa Matua

Matapakihia ngā whakaaro a te ākonga e pā ana ki ngā kaupapa, ngā ariā, me ngā tohu hoki o te:

- mana whenua
- karakia

Te Ako Kupu *Strengthening Vocabulary*

He rawe te paetukutuku [Quizlet](#) hei waihanga kupu kāri mā ngā ākonga.

Tirohia tēnei huinga kāri mō te [Huarere](#):

- Kōwhirihia he huinga kāri e hāngai ana ki te pūrākau mō *Whata rāua ko Tangowhiti*.
- Tāia mai ngā kāri kupu kia hoatu ki ngā ākonga.
- Tukuna rānei ngā ākonga kia whakamahia tētahi o ngā whakamātautau i te whārangi paetukutuku rā.
- Waihangahia āu ake kāri kupu e whakamahia ana i ngā kupu huarere ka pānuihia i ngā karakia o Whata rāua ko Tangowhiti.

[Whakakī Āputa](#) *Listening Cloze*

Te Whakamāramatanga:

- Ka āta wānanga i ngā kupu o ngā karakia o te tuhinga.
- Ka whakarongo ki tētahi karakia, ā, ka tuhi i ngā kupu e ngaro ana ki ngā wāhi tika.

Tito Karakia *Composing Karakia*

Te Whakamāramatanga:

- Ka mahi takirua ngā ākonga ki te tito i tētahi karakia.
- Me āta kōwhiri i tētahi horopaki mō te karakia.
- E pai ana ki te whakamahi i ngā kupu me ngā kīanga mai i te tuhinga hei āwhina.

Whakawhānuitanga: *Extension*

Hai Mahi:

- Whakataki i te horopaki mō Ngātoroirangi:
 - » Ko wai ia?
 - » Nō hea?
 - » He aha ia e rongonui ai?
- Whakaatuhia te kiriata o [Ngātoroirangi – Tohunga o Te Arawa](#).
- Matapakihia te kiriata:
 - » He aha pea te pūtake o te kōrero?
 - » He aha pea te take kāore i whai reo?
- Waihangahia he kiriata.
- Kei ia rōpū tētahi wāhanga o te pūrākau mō Whata rāua ko Tangowhiti.
- Ko tā rātau mahi he waihanga i tētahi kiriata e whakaatu ana i taua wāhanga o te kōrero.
- Whāia tētahi o ēnei hangarau hei āwhina ia kōrua ki te waihanga kiriata:
 - » [Stop Motion Studio](#)
 - » [Screencast-o-matic](#)
 - » [iMovie](#)

AKORANGA 3

TE KIRIPUAKI

Rangitupu *Scaffolding*

He mea nui te titiro ki ngā tāera a te kiripuaki, e whai māramatanga ai te kaipānui ki ngā kaupapa o te tāhū o te pūrākau.

Mā ēnei tāera e hanga te kiripuaki matua, ngā kiripuaki tautoko hoki, e puta ai ō rātou wairua i roto i te pūrākau.

- Kōrerohia ngā kiripuaki matua i te pūrākau *Whata rāua ko Tangowhiti*.
- Ko wai a wai?
- He pēhea te āhua o tēnā, o tēnā?
- He aha ētahi kupu e whakaahua ana i tēnā, i tēnā?
- He aha ētahi kupu, kīanga rānei e taea ai te whakaputa hai whakaahua i te tangata? (Tuhia ngā tauira kupu/kīanga ki te papamā).

Mahere Kiripuaki *Character Traits*

Ngā Tohutohu:

- Waihangatia he Mahere Kiripuaki mō ngā kiripuaki e toru o te pūrākau o *Whata rāua ko Tangowhiti*.
- He mahi nui te tāpiri i ngā pitopito kōrero e pā ana ki te mahere kiripuaki nei.
- Me tāpiri hoki i tētahi pikitia o te kiripuaki mā te titiro ki ngā pikitia, me te pānui hoki i ngā kōrero mōna.

Kimi Hononga *Finding Connections*

Te Whakamāramatanga:

- Waihangahia he Mahere Honohono mō ngā kiripuaki, ngā wāhi matua, ngā kaupapa matua me ngā kupu whaitake o te pūrākau *Whata rāua ko Tangowhiti*.
- Ko tā te ākongā mahi he rapu i ngā hononga o tētahi kupu ki tētahi anō kupu, ki ētahi anō kupu rānei.
- Ka kimi hononga te ākongā kātahi ka tuhi raina kia hono ai ngā kupu.
- Kia mutu te honohono haere i ngā kupu ka whakamārama ā-tuhi, ā-waha hoki ia ākongā i ana hononga.

Tito Karakia *Composing Karakia*

Te Whakamāramatanga:

- Ka mahi takirua ngā ākongā ki te tito i tētahi karakia.
- Me āta kōwhiri i tētahi horopaki mō te karakia.
- E pai ana ki te whakamahi i ngā kupu me ngā kīanga mai i te tuhinga hei āwhina.

Te Rangitupu
Scaffolding

Arotahinga: Takapau (te wāhi)

Te whakamāramatanga:

He tangata hangarau ō tātau tīpuna. Ko tā rātau he noho tahi ki te taiao kia mōhio ai rātau hai āhea te wā tika mō te hī tuna, mō te whakatō me te hauhake kai, te aha atu.

He pērā hoki ngā uri o *Whata rāua ko Tangowhiti* – he ringa whatu i te hīnaki kia hopukina te tuna hai kai mā rātau. E ai ki te pūrākau ko Whatumā te wāhi pai hai hopu i te tuna mōmona, i te tuna reka rawa atu.

Whakaatuhia te [mahere whenua](#) o Takapau (*Google Earth map*).

- Kōrerohia te tawhiti rānei, te tata rānei o Whatumā i Takapau.
- Rāwekehia te mahere kia kitea ngā tāone e pātata ana ki Takapau – ko hea aua tāone (whakarārangihia kia 4-6).
- He whakapae rānei nō ngā ākonga kei hea Ngā kai-hīnaki-a-Whata (Te Toi-a-Uru) ināianeī?

Mahi whakarongo:

- Hoatu he tauira mahere o te rohe o Takapau ki ngā tamariki.
- Me mahi takirua rātau.
- Mā te kaiako ngā ingoa o ngā tāone e ngaro ana, e kōrero atu. Mā ngā ākonga ngā pouaka e whakakī ki ngā ingoa o ngā wāhi ka kōrerohia e te kaiako.

Te Hanga Hīnaki
Making an eel trap

Te whakamāramatanga:

He tangata hangarau ō tātau tīpuna. Ko tā rātau he noho tahi ki te taiao kia mōhio ai he aha rā ētahi rawa taiao e tika ana mō te hanga kākahu, mō te hanga whare, te hanga rauemi rānei mō te kōhi kai. Ko te hīnaki tētahi o aua rauemi pai rawa atu. He taonga ki ō tātau tīpuna hai hopu tuna.

Hei mahi (*He tauira noa iho tēnei*):

- Mātakihia ētahi o ngā kiriata mō te hopu tūna, mō te hanga hīnaki hoki.
 - » Tuna – Ngāi Tahu Mahinga Kai
(<https://www.youtube.com/watch?v=JDIdlY5XZ88>)
 - » Hīnaki – Ngāi Tūhoe
(<https://www.youtube.com/watch?v=4k673PEAD24>)
- Kōrerohia te rere kētanga o ngā mahi e rua:
 - » He aha te rere kētanga?
 - » E ai ki a Ngāi Tahu me aha te pā tuna kia pai ai te hopu tuna?
 - » Ko hea te 'wāhi tapu' o te hīnaki (e ai ki te koroua o Ngāi Tūhoe)?

-
- » He aha tēnei mea te ‘mounu’? Ki ōu nā whakaaro, he aha pea tētahi ‘mounu’ pai mō te tuna?
 - » He aha ngā momo rawa i whakamahia ai kia hangā mai he hīnaki?
 - » He aha te rauemi i whakamahia ai e te tangata o Ngāi Tahu?
 - Hai āhea te wā pai mō te hopu tuna? Ki ōu nā whakaaro, he aha ai? Matapakihia ngā momo rawa taiao i whakamahia ai e ngā tīpuna kia hangā mai he hīnaki. Tukuna ngā ākonga kia rangahaua ētahi.
 - Tukuna ngā ākonga kia rangahaua, kia hangā mai hoki tētahi hīnaki. Me mahi takirua, ā-rōpū rānei. Whakaarohia:
 - » Te tukanga ka whāia
 - » Te hoahoa
 - » Ngā tohutohu
 - » Te whakarite rātaka mō ngā mahi i mahia
(*digistory, powerpoint slides, running google doc*)
 - » Te whakaahua i ngā mahi
 - » Ngā whakapae, ngā whakataunga
 - » Te whakamātau i te kaha rānei o te hīnaki – te huarahi ka whāia
 - » Ngā panonitanga
 - » Te otinga

(Tirohia te tauira nei hai āwhina i a koe)

<https://technology.tki.org.nz/Resources/Student-showcases/Resistant-Materials-hard/Hinaki-Creating-eel-traps>

Technology Online (Te Kete Ipurangi)
